

A si protonotarijs apostolica sedis & huiusmodi causæ notarijs, ac Francisco de Mediolano apostolica sedis cursor locum sessionis exeunte, accesserunt ad ualvas eiusdem ecclesie. Et præfatus Frânciscus cursor ipsum Petrum de Luna alta uoce vocauit sub his uerbis: Est ne hic dominus Petrus de Luna, Benedictus decimus tertius in sua obedientia nuncupatus, uel aliquis pro eo qui comparat, responsum coram sacro concilio in causa schismatis & haeresis contra ipsum morte. Cumq; nec ipse nec aliquis pro eo comparuisse, aut responsum dedisset, dicta uocatione triuaice facta, ipsius synodi promotores & una cum eis Benedictus de Guilde lotis de Perusio, cameræ apostolicae clericus, nomine huius sanctæ synodi super huiusmodi uocatione & non comparitione & non response, petierunt instrumentum & instrumenta. Quibus sic peractis, cardinalis de Columna unus ex deputatis præmissis, commissionem eis factam à dicto concilio adim pleuisse, dictumq; Petrum de Luna modo præmisso per cursorum triuaice uocasse, nec ipsum Petrum uel aliquem pro eo ibidem comparuisse, aut responsum dedisse, dicta sanctæ synodo retulit, & deinde Franciscus de Mediolano cursor præfatus de præmissa uocatione fecit relationem. His sic peractis, dominus Ardeccinus aduocatus prædictus, uocationem & relationem huiusmodi petiit inter acta huiusmodi cause registrari. Et deinceps reproductabul-

B la citationis, alias contra ipsum Petrum de Luna decreta & executa, dominus Bernardus de Planchea unus de executoribus dictæ citationis per concilium deputatis, de his quæ circa sæpedictæ citationis executionem fecisset, fecit relationem, dicens in effectu, quod ab ipso concilio receperant ipse & collegæ sui in mandatis, ut Petrum de Luna Benedictum decimum tertium in sua obedientia nuncupatum, citarent iuxta formam & tenorem literarum citatoriarum. Quas quidem literas citatorias iam denou factas & in scriptis reproduxit, adiungens quod nuper uigore illarum literarum ipse & egregius uir Lambertus de Stipite suus collega, ad castrum Panistole Dertusensis dioecesis accesserunt, & eundem dominum Benedictum decimum tertium à sibi obedientibus sic nominatum, personaliter apprehensum, præsentibus pluribus suis cardinalibus & alijs prælatis, clericis, ac hominum multitudine copiosa, secundum formam & tenorem literarum citatoriarum ad personam suam citarunt, eadem de uerbo ad uerbum in sua præsencia legerunt, ipsasque & contenta in eisdem executioni clamandarunt, prout in quadam executionis instrumento publico etiam die relationis alias per eum & suos collegas factæ exhibito, dixit plenius contineri, quod instrumentum iterum facto reproduxit, & de post publice idem executionis instrumentum fuit lectum, & sufficienter per testes recognitum. Quæ omnia præmissa do minus Ardeccinus aduocatus pettiit inter acta registrari, & præfati Petri de Luna sic (ut præmititur) citati contumaciam accusauit. Ipsumq; quoniam nec in primo termino, qui erat octaua die Martij, nec etiam in præsenti termino comparauit, contumacem reputari, & in causa huiusmodi ad ulteriora procedi per ipsam synodum, instantissime postulauit. Itis successive (ut præmititur) factis, reverendissimus pater dominus Ioannes episcopus Ostiensis huiusmodi sessionis præsidens, fecit legi quodam decretum per reverendum patrem dominum Stephanum episcopum Dolensem tenoris sequentis.

Hæc sacrosancta synodus auditis & consideratis relatis, propositis, productis & petitis, præfatum Benedictum sic in sua obedientia nuncupatum, legitimate citatum, uocatum & expectatum, non comparentem, & qui in octaua Martij, ad quam etiam citatus extiterat, non comparauit, pronunciari reputat & declarat contumacem, decernitq; in eius contumaciam, eius absentia dei repleta præsencia non obstante, fore in causa huiusmodi ulterius etiam usque ad diffinitiuam sententiam inclusive procedendum. Volens autem in eadem causa mature & cum summa grauitate procedere, committit dilectissimis ecclesiæ filijs Guillermo tituli sancti Marci presbytero, et Francisco tituli sanctorum Cosmæ & Damiani, sanctæ Romanae ecclesiæ cardinalibz,

al. Planchea

atq;